

Aktuelnosti:

1. Najmenadžer i najkompanija 2011.
2. Dva miliona KM za nedovoljno razvijene općine
3. Zajednička akcija u okviru poziva za prekograničnu saradnju BiH - Srbija
4. Održana radionica o EU na lokalnom nivou
5. Premijer Lipovača održao konsultativne sastanke sa načelnicima općina
6. Livno među energetske učinkovitost gradovima
7. Načelnik Općine Maglaj prisustvovao konferenciji gradonačelnika u Briselu
8. Potpisan Sporazum o saradnji Grada Sarajeva i fondacije Mozaik
9. Vlada FBIH utvrdila prijedlog Zakona o vinu
10. Općina Cazin pokreće aktivnosti za izradu LEAP-a
11. Delegacije Grada Sarajeva i Mostara učestvovala na ceremoniji potpisivanja Sporazuma gradonačelnika
12. Načelnici općina B.Petrovac i Drinić razgovarali o izgradnji vodovoda
13. Nacrt Zakona o EE i prednacrt Zakona o PRMP u FBIH
14. Informacija sa 8. sjednice P/ZDPFBiH
15. Informacija sa 7. sjednice DNPFBiH
16. Općinu Goražde posjetio ambasador K. Švedske
17. NAJAVA – Okrugli sto s poslanicima Parlamenta FBIH
18. NAJAVA – Seminar na temu „Primjena upravnog postupka“

NAJMENADŽER & NAJKOMPANIJA 2011



BANJA LUKA, 9. decembar/prosinac – U Banskome dvoru u Banjoj Luci, u organizaciji Nezavisne agencije iz Zenice, časopisa Euromanager i Evropskog udruženja menadžera, održana je dvadesetpeti po redu ceremonija uručivanja najviše bh. menadžerske nagrade – Najmenadžer & najkompanija 2011. godine.

Predsjednik Žirija bio je Tomislav Antunović, vlasnik kompanije "Antunović", koji je istakao da je osnovna karakteristika ovogodišnje dodjele "Oskara za najmenadžere" činjenica da je najveći broj priznanja otišlo u ruke menadžera iz proizvodnih oblasti. Tako je, od ukupno 26 dodijeljenih priznanja, čak 20 otišlo za menadžere i kompanije koje su u proizvodnim djelatnostima, a po dvije iz trgovine, turizma i usluga.

Nagradu iz oblasti najboljeg upravljanja lokalnom zajednicom „Najnačelnik“ primilo je šest načelnika i to: Husejin Smajlović, gradonačelnik Zenice, Fuad Šišić načelnik Općine Tešanj, Milovan Topolović, načelnik Opštine Laktaši, Nevenko Barbarić, načelnik Općine Ljubuški, Armin Halitović, načelnik Općine Bosanska Krupa i Nusret Helić, načelnik Općine Gračanica.

Priznanja iz oblasti "Šampion biznisa 2011. godine" sa prostora Bosne i Hercegovine dobili su: Mladen Andrić, direktor kompanije Perutnina Ptuj BH d.o.o. iz Breze, Najmenadžer i Najkompanija Bosne i Hercegovine za 2011. godinu. Pored njega šampioni biznisa su: Amira Sipović, generalna direktorica kompanije Standard d.d. Sarajevo, Džemal Memagić, vlasnik i direktor kompanije Alma Ras iz Olova, Marinko Umicević, direktor Tvornice obuće Bema iz Banja Luke, Safudin Čengić, generalni direktor Centrotrans Eurolinesa iz Sarajeva i Dragan Baškarad, generalni direktor Konzuma za Bosnu i Hercegovinu.

Priznanja su uručena i iz oblasti velikog biznisa, gdje je dodijeljeno sedam priznanja, dok je 13 kompanija iz različitih privrednih grana malog i srednjeg biznisa dobilo najviše menadžerske nagrade i priznanja: šest iz malog i sedam iz srednjeg biznisa.

Kao i ranijih godina, posebna priznanja za ljude koji nisu direktno u biznisu, ali značajno doprinose njegovom razvoju uručene su i N.J.E. Tomašu Sunjogu,

19. **NAJAVA – Zajednička sjednica komisija Saveza**
20. **NAJAVA – 17. sjednica Predsjedništva Saveza**

Poštovani članovi i čitaoci,

Kao i do sada, obavještavamo Vas o unutrašnjoj i vanjskoj komunikaciji i razmjeni najboljih iskustava i praksi kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o drugim dešavanjima u proteklom periodu kao što su konferencije, seminari, okrugli stolovi a koji mogu doprinijeti unapređenju sistema lokalne uprave.

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: dino@sogfbih.ba

Molimo vas da ovaj elektronski bilten proslijedite svim zainteresiranim u vašoj i susjednim općinama.

Ukoliko želite da objavite neke od vaših novosti, iskoristite elektronski bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

Kontaktirajte nas

Telefoni:

033/ 216 502, 033/ 552 812

Fax: 033/552 810, 033/ 552 811

ambasadoru Češke Republike u BiH, (Najambasador 2011.), Ivici Osimu, predsjedniku Komiteta za normalizaciju Nogometnog saveza BiH, Guverneru Centralne Banke BiH – dr. Kemalu Kozariću, te prof.dr. Rasimu Dačiću, rektoru Univerziteta u Travniku, kao i prof.dr. Nikici Gabriću, osnivaču i ravnatelju Klinike Svjetlost, priznanje je uručeno i Mr. Hazimu Begagiću, direktoru Bosanskog narodnog pozorišta Zenica.

DVA MILIONA MARAKA ZA NEDOVOLJNO RAZVIJENE OPĆINE



MOSTAR, 7. decembar/prosinac – Vlada FBiH je danas, na 28. sjednici, usvojila Program utroška dva miliona KM za sufinansiranje Fondacije za održivi razvoj u ovoj godini. Ova će se sredstva usmjeriti izrazito nerazvijenim ili nedovoljno razvijenim općinama i njihovim zajednicama prema zvaničnoj kvalifikaciji, zatim općinama sa visokim stepenom oštećenosti i raseljenosti stanovništva u kojima su u toku procesi povratka.

Sredstva će dobiti i općine koje imaju manjinske siromašne zajednice, općine koje demonstriraju volju za učešćem u projektu uz vlastita ulaganja i općine i zajednice kojima podrška treba za ravnomjerniji privredni i društveni razvoj.

ZAJEDNIČKA AKCIJA U OKVIRU POZIVA ZA PREKOGRANIČNU SARADNJU

GORAŽDE, 7. decembar/prosinac – U općini Pale-Prača potpisana je zajednička akcija u okviru poziva za prekograničnu saradnju, sa predstavnicima i partnerima iz Srbije.

Akciju finansira EU, a odnosi se na ekonomsko osnaživanje prostora BPK-a Goražde i zlatiborske regije.

Učešće u akciji je uzelo osam partnera, iz Srbije IDA Kraljevo, Park prirode Uvac/Arilje, Opština Arilje i Udruženje djece ometene u razvoju Bajina Bašta, a iz BiH "Eko-Pliva" Jajce, Općina Pale-Prača, Udruženje "Kulturna baština" BPK Goražde i regionalno udruženje "Odmor na selu".

Projekat je vrijedan preko 300.000 eura i predstavlja veliku šansu za BPK, posebno za općinu Pale-Prača na čijem će području biti realiziran.

Naime, na prostoru srednjovjekovne utvrde Pavlovac planirana je izgradnja eko-

<http://www.sogfbih.ba>

<http://www.partnerstvogradova.ba/>

e-mail: dino@sogfbih.ba

ZA PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

ZA FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

NAŠ CILJ je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko jačanje zaposlenih u vašim općinama.

KORISNI LINKOVI ZA PREDPRISTUPNE FONDove:

<http://www.southeast-europe.net/en/>

<http://www.adriaticpacbc.org/>

<http://www.interregadriatico.it/index1.html>

<http://www.europa.ba/>

historijskog parka po evropskim standardima, a uz to ovdje se nalazi nekropola stećaka i srednjovjekovna tvrđava, tako da će se park prostirati na 25 hektara. Rezultati po ovom prekograničnom pozivu se očekuju polovinom naredne godine, a ukoliko predstavnici EU koji finansiraju projekat odobre ovu akciju ona će biti implementirana tokom 20 mjeseci.


ODRŽANA RADIONICA O EU NA LOKALNOM NIVOU

U ponedjeljak, 05.12.2011. godine, u Regionalnom trening centru za izvođenje obuke na Ilidži, u organizaciji Saveza općina i gradova FBiH i Direkcije za evropske integracije Vijeća ministara Bosne i Hercegovine održana je poludnevna radionica „O Evropskoj uniji na lokalnom nivou“.

Gđa. Dženana Živalj, Šef odsjeka za obrazovanje je predstavnicima općina prezentirala mogućnost korištenja e-learning kurseva na web stranici DEI-ja, dok je gđa Jesenka Hadžajlija, Šefica odsjeka za promociju prezentirala promovisanje procesa pridruživanja na lokalnom nivou. Prezentaciji je prisustvovalo 16 predstavnika općina Federacije BiH. Važno je naglasiti da je ovo je prva od četiri ovakve radionice koje će se održati u Federaciji Bosne i Hercegovine. O datumima i mjestima narednih radionica općine će biti blagovremeno obavješteni.



PREMIJER LIPOVAČA ODRŽAO KONSULTATIVNE SASTANKE SA NAČELNICIMA OPĆINA



BIHAĆ, 5. decembar/prosinac – Premijer Unsko-sanskog kantona Hamdija Lipovača održao je konsultativne sastanke sa načelnicima općina USK, koji su imali za cilj da predstave potrebe lokalne zajednice i informiraju premijera i Vladu USK o započetim i planiranim projektima.

Osim premijera Lipovače, sastancima su prisustvovali i ministri: privrede Hase

<http://www.cbib-eu.org/en/welcome/index.html>

<http://www.cbc.bih-mne.org/>

<http://www.srb-bih.org/>

<http://www.cbc-cro-bih.net/>

<http://www.programmamed.eu/>

<http://www.tacso.org/>

<http://www.euroinfocentar.ba/>

<http://www.balkanfund.org/>

<http://eurelsmmed.com/>

http://eacea.ec.europa.eu/index_en.php

Hajrulahović, finansija Sanel Mahić, obrazovanja Dario Jurić, pravosuđa i uprave Andrej Mamontov, zdravstva i socijalne politike Amir Murić, kao i savjetnici premijera Lipovača.

Činjenica da premijer Lipovača organizirao ovakav način komunikacije u svrhu kreiranja budžeta za narednu godinu, oslikava drugačiji odnos kantonalne vlasti prema lokalnoj zajednici i uvažava činjenicu da se život odvija u općinama.

Kako je istaknuo Lipovača, sastanak je bio prilika da se Vlada informira o kvalitetnim projektima koji se provode ili su u planu za narednu godinu, te da, uvažavajući činjenicu da se ni naredni budžet neće razlikovati od ovogodišnjeg, pomogne u realizaciji značajnih projekata iz domena infrastrukture, kanalizacionog i sistema prečišćavanja otpadnih voda, regulacije vodotoka, uređenja poslovnih zona...

"Dešavalo se da značajni i dobri projekti u općinama ne budu realizirani zbog činjenice da nedostaju određena, ne velika sredstva i tu možemo direktno pomoći lokalnoj zajednici. Najsretniji bi bili kada bi kao Vlada mogli finansirati sve te projekte, ali to nije realno, tim više što u narednom budžetu ne trebamo očekivati finansijsku pomoć sa viših nivoa vlasti, koji su možda i u većim problemima. Raduje me činjenica da smo imali izuzetno kvalitetne sastanke i dobre sagovornike u načelnicima općina i to je početak dobre prakse", zaključio je Lipovača.

LIVNO MEĐU ENERGETSKI UČINKOVITIM GRADOVIMA



LIVNO, 3. decembar/prosinac – Livno je četrnaesti bosanskohercegovački grad koji se potpisivanjem Sporazuma gradonačelnika (Covenant of Mayors) priključio energetske učinkovitim gradovima EU.

Naime, Sporazum gradonačelnika je jedan od glavnih instrumenata evropske energetske politike, koji

okuplja gradonačelnike iz više od 3.000 gradova iz Evropske unije i šire. Potpisnici Sporazuma ujedinjeni su u nastojanju da ispune i nadmaše ambiciozne energetske i klimatske ciljeve EU, kako bi stvorili bolje životne uvjete za evropske građane.

Potpisivanjem ovoga sporazuma Općina Livno se obavezala da će ostvariti ciljeve koje je postavila EU do 2020. godine, a koji se odnose na smanjenje ispuštanja CO₂ za najmanje 20 posto, kroz provedbu Akcijskog plana za održivu energiju.

Nakon potpisivanja Sporazuma Livno je obavezno da u roku jedne godine predloži Akcioni plan, te da radi na motiviranju udruženja civilnog društva za učešće u izradi Akcionog plana, da u saradnji sa Evropskom komisijom i drugim zainteresiranim organizuje Energetske dane ili Dane Sporazuma gradova, omogućujući građanima da direktno koriste mogućnosti i prednosti što im pruža razumnije korištenje energije.

Potpisnici se također obavezuju štedjeti energiju, povećati energetske učinkovitost, primjenjivati obnovljive izvore energije u većoj mjeri.

NAČELNIK OPĆINE MAGLAJ M. MUSTABAŠIĆ PRISUSTVOVAO KONFERENCIJI GRADONAČELNIKA EVROPSKIH GRADOVA O SMANJENJU EMISIJE CO2 U BRISELU

Načelnik Općine Maglaj Mehmed Mustabašić prisustvovao je u Briselu konferenciji gradonačelnika evropskih gradova o smanjenju emisije CO2 do 2020. godine (Covenant of Mayors Initiative). Načelnik Mustabašić je prisustvovao sastanku o temi "Ko vodi Evropu i njene susjedne zemlje prema pametnom održivom razvoju i inkluzivnom razvoju?".



Uvodničari na sastanku bili su: gradonačelnik Malmea (Švedska) Ilmar Reepalu i član Evropske komisije za okoliš Janez Potočnik.

Na sastanku, koji je održan u sjedištu Odbora regija (CoR – Committee of the Regions), govorili su i članovi tog odbora.

Govoreno je o dugoročnom održivom razvoju, zajedničkim aktivnostima i o energetske učinkovitosti.

Načelni zaključak je bio da, iako ekološki prihvatljiva rješenja u pravilu više koštaju, na dugoročnoj osnovi se isplate i poštuju ekonomski postulat "uraditi više sa manje je isplativo".

Prije potpisivanja, potpisnicima su se obratili predsjednik Evropskog parlamenta Jerzy Buzek, predsjednica CoR Mercedes Bresso, gradonačelnici: Varšave, Tbilisa i Sarajeva, Đenove, Ushuaie, zatim predsjedavajući Vijeća Manchester City-a Richard Leese, te načelnici Bukurešta i Milana, kao i predstavnici evropskih institucija za energiju i okoliš.

Da bi pristupila ovoj inicijativi, općina Maglaj treba okončati određene aktivnosti, među kojima je i izrada Akcionog plana za energetske učinkovitost SEAP, čiji je osnovni cilj smanjiti emisiju ugljendioksida (CO2) iz svih sektora za više od 20 posto do 2020. godine provođenjem mjera energetske efikasnosti, korištenjem obnovljivih izvora energije, upravljanjem potrošnjom i edukacijom.

POTPISAN SPORAZUM O SARADNJI GRADA SARAJEVA I FONDACIJE MOZAIK



SARAJEVO, 2. decembar/prosinac – Gradonačelnik Sarajeva Alija Behmen i direktor Fondacije Mozaik Zoran Puljić potpisali su danas u Gradskoj upravi Sporazum o saradnji između Grada Sarajeva i Fondacije Mozaik na projektu "The Crossroads to Stay"

(Sarajevo na raskršću svijeta). Pored kreiranja kulturnih turističkih ruta, promocije kulturno – historijske baštine, jačanja kapaciteta kako uposlenika kulturnih institucija, tako i gradskih turističkih vodiča ovaj projekt će doprinijeti unapređenju razvojnih kapaciteta institucija kako bi odgovorile izazovima jačanja i harmonizacije turističke ponude glavnog grada Bosne i Hercegovine.

Projekt "Sarajevo na raskršću svijeta" finansiran je iz Instrumenta pretpristupne pomoći (IPA) od Evropske unije (EU) u iznosu od 300.000 eura, a potpisanim Sporazumom, Grad Sarajevo će postati sufinansijer ovog projekta i u tu svrhu će osigurati 96.741 KM iz sredstava budžeta za 2012. godinu. Fondacija Mozaik je idejni tvorac i implementator projekta kroz koji će biti promovirana kulturno – historijska baština grada Sarajeva.

Gradonačelnik Sarajeva Alija Behmen je tokom ceremonije potpisivanja Sporazuma istakao značaj uvezivanja kulturnih institucija Sarajeva, koje će kroz kreirane turističke rute konačno biti nezaobilazne u turističkoj ponudi grada. "Vjerujem da će planirane promotivne aktivnosti doprinijeti povećanju broja turista u Sarajevu", dodao je Behmen.

Odobrena sredstva će biti usmjerena na intenzivnu promociju i brendiranje kulturnih ruta Grada Sarajeva, kao i finansiranje inicijativa za unapređenje atraktivnosti kulturno – historijske ponude grada Sarajeva. Posebno sastavljena stručna komisija će kroz inicijativu odobriti ukupno tri granta koja će biti dodijeljena kulturnim institucijama obuhvaćenim projektom za unapređenje atraktivnosti i povezane infrastrukturne radove. Odluka o dodjeli sredstava će biti zasnovana na kreativnosti napisanog projekta, značaju projekta za razvoj turizma na teritoriji grada Sarajeva i dugoročnoj rentabilnosti i samoodrživosti predloženog projekta.

Projekat je fokusiran na unapređenje sadržaja i kvaliteta kompletne turističke ponude grada Sarajeva, te promociju zajedničkog branda 13 objekata kulturno – historijske baštine grada: Zemaljski muzej BiH, Muzej „Alija Izetbegović“, Ars Aevi – Muzej savremene umjetnosti Sarajevo, Umjetnička galerija BiH, Bošnjački institut – Fondacija Adil Zulfikarpašić, Kuća Alije Đerzeleza, Sebilj, Bijela Tabija i Muzej grada Sarajeva sa svojih pet depadansa: Muzej Jevreja BiH, Muzej „Sarajevo 1878 – 1918“, Brusa bezistan, Despića kuća i Svrzina kuća.

VLADA FEDERACIJE BIH UTVRDILA PRIJEDLOG ZAKONA O VINU

SARAJEVO, 2. decembar/ prosinac –

Nakon parlamentarne rasprave o Nacrtu, Vlada Federacije BiH je, na jučerašnjoj, sjednici u Mostaru, u čijem su radu sudjelovali predsjednik FBiH Živko Budimir i potpredsjednik FBiH Svetozar Pudarić, na prijedlog dopremijera FBiH i federalnog ministra poljoprivrede, vodoprivrede i šumarstva Jerke Ivankovića-Lijanovića, utvrdila Prijedlog zakona o vinu koji je pripremilo Federalno ministarstvo poljoprivrede, vodoprivrede i šumarstva, uz konsultacije i pribavljeno mišljenje udruga proizvođača vina, stručnih i drugih nadležnih institucija.



Glavni cilj novog Zakona o vinu jeste da osigura povoljniji zakonodavno–pravni ambijent za održivi razvoj vinarsko-vinogradarskog sektora, time što će se uspostaviti i održavati jedinstveno i uređeno tržište vina u skladu s EU standardima. Novim zakonskim rješenjem otklanjaju se postojeći problemi u sektoru vinogradarstva i vinarstva u Federacije BiH u primjeni Zakona o vinu, rakiji i drugim proizvodima od grožđa i vina iz 2008. godine. Primjereno novim uvjetima poslovanja, neophodno je, naime, obezbijediti povoljniji zakonodavno-pravni ambijent u ovoj oblasti uz uspostavu i održavanje jedinstvenog i uređenog tržišta vina, sukladno EU standardima. Prema podacima Uprave za indirektno oporezivanje BiH, za protekle tri godine, uvoz vina u Federaciju BiH se povećava, a prema podacima Federalnog zavoda za statistiku, proizvodnja vina u istom periodu iz godine u godinu se smanjuje, za šta je jedan od razloga i nepostojanje kvalitetnih propisa koji uređuju ovu oblast.

U skladu s tim, predložena je uspostava efikasnog sistema i mehanizama za ispitivanje kvaliteta i organoleptičko ocjenjivanje vina (kontrola proizvodnje grožđa za proizvodnju vina i kvaliteta vina, zaštita geografskog porijekla vina, njegovo puštanje u promet, uspostava registara), izvršena podjela nadležnosti federalnog, kantonalnog i općinskog nivoa vlasti u Federaciji BiH u segmentu zaštite geografskog porijekla vina, njegovog prometa i uspostave registara, definirani uvjeti za bavljenje proizvodnjom grožđa i vina i uspostavljen efikasan sistem inspeksijske kontrole i nadzora u sektoru vinogradarstva i vina.

Prijedlog Zakona o vinu propisuje da se vino ne može proizvoditi od uvoznog grožđa, dok bi kontrolu proizvodnje vina sa geografskim porijeklom bi vršio Federalni agromediteranski zavod, a rješenje o ispunjavanju uvjeta za korištenje oznake vina sa zaštićenim geografskim porijeklom iz date godine berbe donosilo bi Ministarstvo vanjske trgovine i ekonomskih odnosa BiH.

OPĆINA CAZIN POKREĆE AKTIVNOSTI ZA IZRADU LEAP-a



CAZIN, 1. decembar/prosinac – Općina Cazin jedna od 25 općina u BiH koje učestvuju u treninzima u okviru projekta DELTER koji je finansiran od strane Evropske unije.

Prvi ovakav trening održan je od 26. do 28. oktobra/listopada na Vlačiću gdje se govorilo o temama "Pokretanje i vođenje

općinskih energetske projekata" i "Upravljanje projektima", a do ljeta 2012. godine predviđeno je više treninga različite tematike iz sfere energetske efikasnosti i obnovljivih izvora energije.

DELTER projekat je finansiran od strane Evropske unije sa ciljem da se obezbijedi podrška Bosni i Hercegovini u ispunjavanju zahtjeva iz Ugovora o energetske zajednici JIE sa fokusom na energetske efikasnost i obnovljive izvore energije.

Jedan od preduslova za bolje upravljanje energijom i zaštitu okoliša je usvajanje zakonske regulative, kao i usaglašenih strateških i operativnih planova. U BiH je poslednjih godina napravljen veliki pomak u institucionalnom jačanju države i donošenju propisa iz oblasti održivog razvoja i zaštite okoline.

Direkcija za evropske integracije je usvojila pristup BiH ka približavanju Evropskoj uniji za desetak oblasti, među njima i za okolinu. Postoje entitetski zakoni o zaštiti okoliša, te odgovarajuća entitetska tijela koja se bave kontrolom stanja u ovoj oblasti sa aspekta primjene postojećih zakona.

Osim zakona, usvojen je i međuentitetski Nacionalni plan aktivnosti u oblasti okoliša za BiH (NEAP).

Vezano za ovu oblast, Općina Cazin ima usvojen Strateški plan za vode, zaštitu okoliša i komunalnu djelatnost, a u toku je i izrada Lokalnog akcionog plana za životnu sredinu (LEAP).

Isto tako, Općina Cazin jedna od 30 izabranih općina u BiH kojoj će UNDP pružiti podršku pri izradi LEAP-a u okviru MDG-F programa Očuvanje okoliša i klimatske promjene, odnosno "Standardizacija upravljanja okolišem: povezivanje lokalnih i državnih aktivnosti u BiH".

DELEGACIJE GRADA SARAJEVA I MOSTARA UČESTVOVALE NA CEREMONIJI POTPISIVANJA SPORAZUMA GRADONAČELNIKA



BRISEL, 30. novembar/studen – Delegacija Grada Sarajeva predvođena gradonačelnikom Alijom Behmenom i delegacija Grada Mostara predvođena gradonačelnikom Ljubom Bešlićem, učestvovala je na svečanoj ceremoniji Sporazuma gradonačelnika koja je održana u Briselu, a čiji je domaćin bio Evropski parlament, a suorganizator Odbor regija.

Ceremonija je održana u prisustvu gradonačelnika gradova koji su se priključili inicijativi, te koordinatora Sporazuma i viših predstavnika evropskih institucija.

Sporazum gradonačelnika je jedan od glavnih instrumenata evropske energetske politike, koji okuplja gradonačelnike iz više od 3.000 gradova iz Evropske unije i šire.

Potpisnici Sporazuma ujedinjeni su u nastojanju da ispune i nadmaše ambiciozne energetske i klimatske ciljeve EU, kako bi stvorili bolje životne uvjete za evropske građane.

Konferenciju gradonačelnika otvorio je gradonačelnik Malmea, koji je u svom obraćanju istakao važnost umrežavanja gradonačelnika za budućnost planeta zemlje.

U sklopu ceremonije, gradonačelnici Behmen i Bešlić su učestvovali u panel

diskusiji "Grad kao središte inicijativa", u kojoj je uvodni govor održao evropski komesar za proširenje Stefan Fule.

U svom obraćanju gradonačelnik Behmen je istaknuo kako su povećana emisija stakleničkih plinova, globalno zagrijavanje i klimatske promjene nezaobilazni opći svjetski problem i opasna prijetnja brojnim aspektima života i razvoja na Zemlji.

Gradonačelnik je kazao da "osnivanjem Kluba Sporazuma gradonačelnika glavnih gradova Jugoistočne Evrope (Zagreb, 6. aprila 2011.) želimo istaknuti čvrsto strateško opredjeljenje i primarne ciljeve politike odgovornih gradskih uprava na provedbi programa stvaranja mreže energetski učinkovitih gradova, optimizaciji organizacijske strukture u području energetskog urbanog planiranja, održivog upravljanja energijom, kvalitetne i sigurne energetske opskrbe gradova, racionalizacije energetske potrošnje u svim sektorima, primjeni obnovljivih izvora energije i ekološki prihvatljivih goriva, novih informatičkih i energetski učinkovitih zelenih tehnologija".

Potpisivanjem ovog sporazuma gradovi i općine se obavezuju na smanjenje emisije CO₂ za više od 20% do 2020. godine. Do sada je Sporazumu pristupilo više od 3.000 potpisnika, uključujući gradove, općine i druge teritorijalne zajednice. Potpisivanjem Sporazuma te su se zajednice obavezale štedjeti energiju, povećati energetske efikasnosti, primjenjivati obnovljive izvore energije u većoj mjeri i provoditi akcije za podizanje svijesti svojih građana o ovim temama.

NAČELNICI OPĆINA BOSANSKI PETROVAC I DRINIĆ RAZGOVARALI O IZGRADNJI VODOVODA



DRINIĆ, 29. novembar/studeni – Načelnik Općine Bosanski Petrovac, Ermin Hajder posjetio je općinu Drinić i tom prilikom razgovarao sa načelnikom Općine Dejanom Prošićem. Zbog nastalih problema oko isporuke pitke vode u općini Drinić i veoma sušnog perioda, tema sastanka bila je vodosnabdjevanje. Pored dvaju načelnika, sastanku su prisustvovali i predstavnici

komunalnih preduzeća ove dvije općine. Načelnici su još prošle godine potpisali sporazum o zajedničkoj suradnji, čime su prezentirali mogućnost i potrebu saradnje dvije općine iz dva entiteta s ciljem zadovoljavanja potreba svojih građana.

Cilj sastanka bio je naći zajedničko rješenje za priključak općine Drinić i Mjesne zajednice Bukovača na glavni vod kojim se pumpa voda iz Sanice u sušnim periodima. Naime, projekat za izgradnju vodovoda bi se radio u nekoliko faza. Prva faza bi bila izgradnja glavnog cjevovoda prema Driniću, dužine 8200 m. Drugom fazom bi se putem rezervora sa pumpnom stanicom riješio problem vodosnabdjevanja Bukovače. Predračunska vrijednost postojećeg Projekta je oko 630.000,00 KM.

Na sastanku je zaključeno da se postojeća projektna dokumentacija doradi i da se krene sa obezbjeđivanjem novčanih sredstava kako bi realizacija projekta počela u što skorijem periodu.

NACRT ZAKONA O ELEKTRIČNOJ ENERGIJI I PREDNACRT ZAKONA O POTICAJU RAZVOJA MALE PRIVREDE U FBiH



SARAJEVO, 28. novembar/studeni – Savez općina i gradova Federacije Bosne i Hercegovine je dana 24. novembra/studenog 2011., od strane Federalnog ministarstva energije, rudarstva i industrije, zaprimio nacrt Zakona o električnoj energiji, a radi davanja mišljenja, primjedbi i sugestija na isti.

S obzirom da je u dopisu Ministarstva ostavljen vrlo kratak rok za očitovanje Saveza (10 dana), od naših članica smo tražili da nam dostave mišljenja, primjedbe i sugestije najkasnije do

6.12.2011. godine.

U ostavljenom roku, Savez je zaprimio dvije prijedbe na predmetni zakon, koje će, nakon što budu razmatrane od strane nadležnih organa Saveza, biti upućena Federalnom ministarstvu energije, rudarstva i industrije.

Što se tiče prednacrta Zakona o poticaju razvoja male privrede u Federaciji BiH, Savezu općina i gradova Federacije BiH isti je dostavljen 22. novembra/studenog 2011., od strane Federalnog ministarstva razvoja, poduzetništva i obrta, a u svrhu davanja primjedbi i sugestija.

Kako je Ministarstvo ostavilo vrlo kratak rok za očitovanje Saveza (do 28.11.), od naših članica smo zatražili da nam dostave svoje primjedbe i sugestije najkasnije do 30.11.2011. godine.

U ovome roku Savezu su dostavljene primjedbe od šest jedinica lokalne samouprave, koje će nakon razmatranja od strane nadležnih tijela Saveza biti dostavljene predlagачu na razmatranje.

INFORMACIJA SA 8. REDOVNE SJEDNICE PREDSTAVNIČKOG/ZASTUPNIČKOG DOMA PARLAMENTA FBiH



Predstavnički / Zastupnički dom Parlamenta Federacije Bosne i Hercegovine je 23. i 24.11.2011. godine održao 8. Redovnu sjednicu. Na ovoj sjednici usvojen je Prijedlog zakona o izmjenama i dopunama Zakona o državnoj službi u Federaciji

Bosne i Hercegovine kojim se nalaže da osobe s visokim stepenom obrazovanja, odnosno s diplomom stečenom po Bolonjskom sistemu, mogu aplicirati na konkursima za poslove državne službe. Također će apliciranje za državnu službu biti omogućeno i namještenicima koji su 'bolonjsku diplomu', odnosno VII stepen stručne spreme stekli uz rad.

USVOJEN PRIJEDLOG ZAKONA O MATIČNIM KNJIGAMA

Predstavnički/Zastupnički dom Parlamenta Federacije BiH je na 8. Redovnoj sjednici usvojio Prijedlog zakona o matičnim knjigama. Federalno ministarstvo unutrašnjih poslova je postupajući po Zakonu o principima lokalne samouprave u Federaciji Bosne i Hercegovine, 27.05.2011. Savezu općina i gradova Federacije Bosne i Hercegovine dostavilo na mišljenje Nacrt zakona o matičnim knjigama. Primjedbe i prijedlozi pristigli od strane znatnog broja jedinica lokalne samouprave su upućeni Federalnom ministarstvu unutrašnjih poslova. Savez je učestvovao i u javnoj raspravi o Nacrtu zakona o matičnim knjigama koja je održana 22.07.2011. godine. U Obrazloženju Prijedloga zakona je navedeno da je nadležna radna grupa pažljivo razmotrila sve primjedbe i sugestije iz javne rasprave (ukupno 239 pojedinačnih primjedbi), te ih gotovo sve prihvatila i na odgovarajući način ugradila u tekst Prijedloga zakona s tim što su neke prihvaćene u cjelini a neke djelimično, ali su sve one poslužile da se obuhvate pitanja koja se regulišu zakonom.

Usvojenim Prijedlogom zakona o matičnim knjigama uređuje se: nadležnost za vođenje matičnih knjiga, vrste i sadržaj matičnih knjiga, matični registar, upis podataka u matične knjige, upis činjenica u matične knjige na osnovu isprava inozemnih organa, vođenje i čuvanje matičnih knjiga, izdavanje izvoda i uvjerenja iz matičnih knjiga, uvid u matične knjige i korištenje podataka iz istih, obnavljanje matičnih knjiga, upravni nadzor, rješavanje po žalbama, prekršajna odgovornost i druga pitanja koja se odnose na matične knjige u Federaciji Bosne i Hercegovine.

PRIHVAĆEN NACRT ZAKONA O ŠUMARSTVU

Predstavnički/Zastupnički dom Federalnog parlamenta prihvatio je Nacrt zakona o šumarstvu. Pomenuti zakon je izradio Savez općina i gradova FBiH (konsultirajući struku i nauku) i u parlamentarnu proceduru ga uputio preko zastupnika Envera Mujala i Slaviše Šućur. Prema najavama predlagača, Zakon bi u konačnici trebao doprinijeti rješavanju problema u oblasti gospodarenja i iskorištavanja šuma, kao jednog od najvažnijih resursa Federacije BiH.

Obrazlažući zastupnicima ovaj nacrt, Šućur je kazao da se šume nalaze u katastrofalnom stanju, te da Federacija BiH bilježi gubitak od gotovo milion kubika drvene mase.

Kako je rekao, posljedica toga je činjenica da su općine, koje su najbogatije šumom, postale najsiromašnije lokalne zajednice u Federaciji BiH, te ih njihovi stanovnici masovno napuštaju.

Šućur je istaknuo da trenutna finansijska dubioza šumsko-privrednih društava iznosi više od 80 miliona KM, te da je više od 30 miliona KM nerealiziranih potraživanja, dok dug prema dobavljačima iznosi 40 miliona KM.

Dodao je da se ogromna količina drveta prodaje ispod vrijednosti, te da Federacija BiH i zajednice koje time raspolažu ne ostvaruju nikakvu korist, jer sve "završava u džepovima pojedinaca", što potvrđuje da u ovoj oblasti trenutno vlada vanredno stanje.

Novi zakon, u čijoj je izradi sudjelovao veliki broj stručnjaka, predviđa velike reforme, odnosno centralizaciju znanja i odgovornosti kako bi se nadoknadio dosadašnji gubitak, te pronalaženje novih modaliteta gospodarenja šumama.

Planirana je i decentralizacija odlučivanja, odnosno vraćanje bitnih funkcija lokalnoj zajednici, a riječ je, među ostalim, o odobravanju šumsko-privrednih osnova i godišnjih planova sječe, te učešću u korištenju resursa.

Novina je i uvođenje inspekcijskog nadzora nad resornim ministarstvima, odnosno uvođenje kaznenih odredbi za ministarstva koja ne budu izvršavala svoje obaveze.

Predlagači ovog zakonskog teksta predviđaju i reviziju granica šumsko-privrednih područja, te njihovo tretiranje kao osnove za gospodarenje i posebnih cjelina koje će biti zaštićene.

Parlament je, također, donio zaključak da se o ovom nacrtu zakona provede javna rasprava u roku od 30 dana, te je Savez isti uputio svojim članicama na dostavljanje primjedbi i prijedloga. Prestigle primjedbe i prijedloge razmatrat će Radna grupa koja je radila na izradi Zakona o šumarstvu, te cjelovit tekst prezentirati na odgovarajućim skupštinskim komisijama, a zatim i na Predsjedništvu Skupštine Saveza općina i gradova FBiH.

PRIHVAĆEN NACRT ZAKONA O KORIŠTENJU OBNOVLJIVIH IZVORA ENERGIJE I EFIKASNE KOGENERACIJE

Predstavnički/Zastupnički dom Parlamenta Federacije BiH prihvatio je danas Nacrt zakona o korištenju obnovljivih izvora energije i efikasne kogeneracije, kojeg je utvrdila Vlada Federacije BiH.

Ovim nacrtom bit će uređena materija koja je do sada regulirana u istoimenoj uredbi, čije je provođenje ukazalo na određene nedostatke kad je u pitanju kompletnost ove problematike.

Za razliku od važeće uredbe, ovaj nacrt zakona, pored električne, uređuje i pitanja u vezi sa toplotnom energijom, te energijom u oblasti transporta, koje se dobiju iz primarne obnovljive energije.

Uvodi se novi pojam "efikasna kogeneracija", u skladu sa međunarodno usvojenom terminologijom, kao i zbog bližeg određenja kogenerativnog procesa u oblasti korištenja obnovljivih izvora energije.

Također, propisana je i izrada akcionog plana za obnovljivu energiju u Federaciji BiH, kojim se definiraju obavezujući ciljevi Federacije BiH do 2020. godine, te obaveza njegovog usklađivanja sa elektroenergetskom strategijom Federacije BiH.

INFORMACIJA SA 7. SJEDNICE DOMA NARODA PARLAMENTA FEDERACIJE BIH

SARAJEVO, 8. decembar/prosinac – Dom naroda Parlamenta Federacije BiH održao je danas sedmu, redovnu sjednicu.

ZAKON O ŠUMARSTVU

Na sjednici nije razmatran Nacrt zakona o šumarstvu, kako je predviđeno predloženim dnevnim redom, čime je uvažen zahtjev Kluba Hrvata ovog doma.

Povlačenje ovog nacrta iz dnevnog reda zatražio je predsjednik Kluba Hrvata Radoje Vidović, uz obrazloženje da nisu ispoštovane odredbe Poslovnika, koje se odnose na akte iz zajedničke nadležnosti kantona i Federacije BiH.

Vidović je istaknuo da je, prije uvrštavanja u dnevni red, bilo potrebno izjašnjavanje kantona o ovom nacrtu, jer on tretira prirodna bogastva koja su u zajedničkoj nadležnosti kantona i Federacije BiH.

Kolegij Doma naroda odlučio je da će ovaj nacrt biti razmatran nakon što budu dostavljeni potrebni dokumenti, te su njegovi predlagači, zastupnici u

Zastupničkom domu Slaviša Šućur i Enver Mujala, zaduženi da u roku od 15 dana pribave mišljenja nadležnih kantonalnih službi.

Prilikom utvrđivanja dnevnog reda, Vidović je, bez dodatnog obrazloženja, najavio da će zatražiti glasanje o Prijedlogu zakona o matičnim knjigama po proceduri predviđenoj za zaštitu vitalnog nacionalnog interesa.

PRIJEDLOG ZAKONA O MATIČNIM KNJIGAMA

Na sjednici je obavljena rasprava o Prijedlogu zakona o matičnim knjigama, kojim će, kako je najavljeno iz Vlade Federacije BiH, biti stvorene pretpostavke za bolju sigurnost i zaštitu osobnih podataka.

Kako je rečeno, ovo zakonsko rješenje omogućit će građanima Federacije BiH jednostavnije, kvalitetnije i jeftinije dobijanje usluge kada su u pitanju njihovi osobni dokumenti.

Predviđeno je, također, da izvodi iz matičnih knjiga imaju neograničeni rok važenja, što će u njima biti potrebno i navesti.

Iz Vlade Federacije BiH, kao predlagača ovog zakona, poručeno je da je prihvaćen amandman Kluba Hrvata u ovom domu, što će omogućiti građanima, koji to žele, da u podacima iz matičnih knjiga bude upisana i nacionalna pripadnost.

PRIJEDLOG ZAKONA O IZMJENAMA I DOMUNAMA ZAKONA O DRŽAVNOJ SLUŽBI

Dom naroda Federalnog parlamenta obavio je danas raspravu o Prijedlogu zakona o izmjenama i dopunama Zakona o državnoj službi Federacije BiH, kojim se nalaže da osobe s visokim stepenom obrazovanja, odnosno sa diplomom stečenom po Bolonjskom sistemu, mogu aplicirati na konkursima za poslove iz državne službe.

Brojni delegati su, tokom rasprave, podržali ovaj zakonski prijedlog, iako su napomenuli da je potrebno donijeti novi zakon koji će kvalitetnije i preciznije urediti ovu oblast.

Delegat Zijat Mušić je, međutim, upozorio da ove zakonske izmjene odstupaju od opredjeljenja vlasti za smanjenje administracije na svim nivoima.

Naglasio je da je potrebno omogućiti zapošljavanje osoba sa bolonjskom diplomom, ali je upozorio da će, na temelju ovih zakonskih izmjena, one očekivati prostor za zapošljavanje u državnoj službi, kojeg više nema.

ZAKON O IZVRŠNOM POSTUPKU

Dom naroda obavio je raspravu i o izmjeni Zakona o izvršnom postupku, koje je predložio Klub delegata bošnjačkog naroda u ovom domu.

U obrazloženju predlagača navedeno je da su ove izmjene neophodne, s obzirom na to da je u toku izrada budžeta Federacije BiH, kantona, gradova i općina za narednu godinu, te da bi, zbog važećih zakonskih odredbi, moglo doći do ugrožavanja normalnog funkcioniranja svih nivoa vlasti.

S tim u vezi, ovaj klub je zatražio da iz važećeg zakona bude uklonjene odredbe koje nalažu obavezu Federacije, kantona, općina i gradova da u budžetima planiraju najmanje pet posto sredstava, od cjelokupnog iznosa, za isplatu obaveza na osnovu izvršnih sudskih rješenja.

Umjesto toga, Klub Bošnjaka je predložio da visina budžetskih sredstava za ove namjene budu određena u skladu sa mogućnostima spomenutih nivo vlasti.

Na današnjoj sjednici nije glasano niti o jednoj tački dnevnog reda, a, kako je rečeno, termin nastavka zasjedanja bit će naknadno utvrđen.

OPĆINU GORAŽDE POSJETIO AMBASADOR KRALJEVINE ŠVEDSKE U BIH



SARAJEVO, 24. novembar/studeni – U posjeti općini Goražde danas je boravio ambasador Kraljevine Švedske u BiH Bosse Hedberg.

On je u sklopu protokola najprije u zgradi Općine Goražde održao zvaničan sastanak sa načelnikom Općine Goražde Muhamedom Ramovićem i njegovim saradnicima, a sastanku su prisustvovali i predsjedavajuća Općinskog Vijeća Goražde Vesna Marić i ministar za privredu u Vladi BPK-a Demir Imamović. Na sastanku je razgovarano o dosadašnjoj saradnji posebno kada je u pitanju projekat GAP-a ali i o mogućnostima uspostavljanja saradnje goraždanskih i švedskih privrednika.

Kako je ambasador Hedberg kazao posebno je impresioniran optimizmom na koji je naišao.

"Veoma smo impresionirani onim što se dešava na općinskom i kantonalnom nivou. Ova općina je dugogodišnji partner u okviru GAP projekta koji je jedan od najsupješnijih projekata koji se realizuju u ovoj zemlji, a koji zajednički realiziraju švedska SIDA, USAID i Vlada Holandije. Ja sam veoma radostan što čujem dobre vijesti i optimizam u ovoj općini. Mislim da je to posebno važno za Goražde obzirom na prošlost", kazao je ambasador Hedberg.

On je naglasio kako ga raduje činjenica da švedske firme žele investirati u Goražde.

Načelnik Ramović u izjavi za medije je također naglasio dobru saradnju kada je u pitanju GAP projekat.

"Danas smo zamolili ambasadora, koji je inače osam godina radio u Evropskoj komisiji, ispred Švedske i kao jedan od savjetnika i sekretara, da se zauzme za BiH kada je u pitanju njen ulazak u EU, a druga stvar je i nedavna konferencija na temu 'Dani Švedske privrede u Sarajevu' i pomoć same Ambasade kada je u pitanju uvezivanje naših privrednika sa privrednicima iz Švedske, što je ambasador i obećao. Treća stvar za koju smo molili odnosi se na zahtjev osam omladinskih udruženja koji su aplicirali prema Ambasadi Švedske za jedan veoma važan projekat i zamolili smo da imaju razumjevanja da se taj projekat prihvati", kazao je Ramović.

Delegacija je nakon sastanka u zgradi Općine Goražde u sklopu protokola prisustvovala svečanom otvaranju samostalne likovne izložbe autora Alja Smailagića u Gradskoj Art Galeriji, koja je upriličena povodom Dana državnosti BiH, a izložbu je zvanično otvorio ambasador Kraljevine Švedske u BiH Bose Hedberg.

NAJAVA DOGAĐAJA:

OKRUGLI STO S POSLANICIMA/ZASTUPNICIMA PARLAMENTA FEDERACIJE BIH



SARAJEVO, 1. decembar/prosinac – Saveza općina i gradova Federacije Bosne i Hercegovine, u svrhu svog predstavljanja i promocije kao zakonskog zastupnika jedinica lokalne samouprave u Federaciji BiH, organizira Okrugli sto s poslanicima/zastupnicima u Parlamentu Federacije BiH.

Savez općina i gradova FBiH je, prema Zakonu o principima lokalne samouprave u FBiH, legalni zastupnik jedinica lokalne samouprave pred institucijama vlasti. U svojoj aktivnosti

Savez je, između ostalog fokusiran na zakonsku legislativu, a za uspješno vršenje ove aktivnosti od velikog je značaja i dobra saradnja sa poslanicima/zastupnicima i delegatima Parlamenta Federacije BiH.

Okrugli sto, koji Savez organizira, ima za cilj da se, kroz prijatnu atmosferu, uz ručak, razgovara o unaprijeđenju zakonske regulative koja se odnosi na jedinice lokalne samouprave.

Okrugli sto će biti održan **12.12.2011. godine u Sarajevu, sa početkom u 10.30 sati**, a organizira se kroz projekat "Razvoj kapaciteta saveza općina i gradova u BiH (CDMA)", koji implementira Međunarodna kooperativna agencija asocijacije holandskih općina - **VNG-International**, u saradnji sa Savezom općina i gradova Federacije Bosne i Hercegovine, a koji je financiran od strane Švedske međunarodne agencije za razvoj i saradnju – **Sida**.

SEMINAR NA TEMU «PRIMJENA UPRAVNOG POSTUPKA»

U Sarajevu će se, u organizaciji Saveza općina i gradova Federacije Bosne i Hercegovine, 13. decembra/prosinca održati seminar na temu „Primjena upravnog postupka“.

Svjesni činjenice da je praktična primjena upravnog postupka za organe uprave u jedinicama lokalne samouprave od velikog značaja, ta da se sa njom susreću svakodnevno, te na osnovu iskazanog interesa od strane općina i gradova, Savez općina i gradova Federacije BiH je odlučio da svojim članicama osigura dodatnu edukaciju iz ove oblasti.

Seminar je namijenjen **općinskim službenicima koji rade na poslovima primjene upravnog postupka** u Federaciji BiH, a vodit će ga Mensur Hadžimusić, pomoćnik direktora u Uredu Vlade Federacije Bosne i Hercegovine za zakonodavstvo i usklađenost s propisima Evropske unije, autor velikog broja stručne literature i

višegodišnji predavač u ovoj oblasti.

Seminar će se održati u **utorak, 13.12.2011.** godine u **Hotelu „Art“** (bivši Hotel „Evropa Garni“, ulaz iz Ferhadije) u Sarajevu, ulica Vladislava Škarica 3, sa početkom u **10.30** sati.

Kotizacija za seminar iznosi **250 KM.**

Za članice Saveza općina i gradova Federacije BiH (općine i gradove) kotizacija je **125 KM.** Članice koje redovno izmiruju svoje obaveze prema Savezu **oslobođene su plaćanja troškova kotizacije.**

NAJAVA ODRŽAVANJA ZAJEDNIČKE SJEDNICE KOMISIJA SAVEZA

SARAJEVO, 8. decembar/prosinac – Zajednička sjednica skupštinskih komisija Saveza općina i gradova Federacije Bosne i Hercegovine održat će se u četvrtak, 15. decembar/prosinac 2011. godine. Sjednici će prisustvovati članovi četiri skupštinske komisije i to: Komisije za ekonomski/gospodarski razvoj općina i gradova i finansije/financije, Komisije za ustavna i zakonodavna pitanja, Komisije za imovinska pitanja, prostorno uređenje, stambeno – komunalne djelatnosti i zaštitu životnog okoliša i Komisije za razvoj i unapređenje lokalne samouprave. Sjednica je sazvana radi niza pitanja koja su zajednička za sve spomenute komisije. Na dnevnom redu će između ostalog biti: Inicijativa za izmjene i dopune Izbornog zakona BiH, Nacrt zakona o električnoj energiji u Federaciji BiH, Prednacrt zakona o turističkim zajednicama i promicanju turizma u Federaciji BiH, Prednacrt zakona o poticanju razvoja male privrede u Federaciji BiH, Inicijativa o donošenju zakona o proglašenju središta kantona/županija gradovima, Zahtjev za zaštitu prava na lokalnu samoupravu Općine Travnik u vezi sa nedonošenjem Zakona o finansijskoj konsolidaciji javnih komunalnih preduzeća u Federaciji BiH, Prijedlog zakona o lokalnoj samoupravi Kantona Sarajevo i Nacrt zakona o javnom okupljanju Tuzlanskog kantona. Sjednica će se održati u Hotelu „Bristol“ u Sarajevu sa početkom u 12:00 sati.

NAJAVA ODRŽAVANJA 17. SJEDNICE PREDSJEDNIŠTVA SKUPŠTINE SAVEZA

Savez općina i gradova Federacije Bosne i Hercegovine (SOGFBH), najavljuje da će se Sedamnaesta sjednica Predsjedništva Skupštine Saveza općina i gradova Federacije Bosne i Hercegovine održati u utorak, 20.12.2011. godine u GRADAČCU

Na sjednici, članovi Predsjedništva će biti detaljno upoznati o nizu aktivnosti koje je Savez poduzeo u proteklom vremenu a tiču se, prije svega izmjene zakonske regulative koja se odnosi na jedinice lokalne samouprave.

Predsjedništvo će razmatrati izvještaj sa zajedničke sjednice četiri komisije Saveza – Komisije za ustavna i zakonodavna pitanja, Komisije za ekonomski razvoj općina i gradova i finansije, Komisije za imovinska pitanja, prostorno uređenje, stambeno – komunalne djelatnosti i zaštitu životnog okoliša i Komisije za razvoj i unapređenje lokalne samouprave, a u vezi sa većim brojem inicijativa koje su pristigle iz općina a

tiču se izmjene zakonske regulative. Pored ovoga, Predsjedništvo će se upoznati sa zaključcima tematske sjednice komisija i pomoćnika načelnika za finansije na temu „Raspodjela javnih prihoda u Federaciji BiH“.

Također, Predsjedništvo će razmatrati inicijativu za izmjenu Zakona o zaštiti i dobrobiti životinja, te će biti upoznato o održanoj raspravi o Zakonu o besplatnoj pravnoj pomoći.

Zatim, Predsjedništvo će biti informisano o radu 8. Redovne sjednice Predstavničkog doma Parlamenta FBiH, na kojoj je usvojen prijedlog Zakona o izmjenama i dopunama Zakona o državnoj službi FBiH, prijedlog Zakona o matičnim knjigama i nacrt Zakona o šumarstvu, kao i o projektnim prijedlozima Saveza općina i gradova na IPA programima prekogranične saranje: Hrvatska - Bosna i Hercegovina i Bosna i Hercegovina - Crna Gora.

Biće govora još o nizu drugih aktivnosti, događaja i susreta koje organizira ili je organizirao Savez a tiču se naših članica, kao što su: informacija sa održanog Okruglog stola sa poslanicima Parlamenta Federacije BiH, informacija sa održanog seminara „Primjena upravnog postupka“, i sl.

Predsjedništvo će raspravljati i o drugim pitanjima koja su značajna i aktuelna za rad jedinica lokalne samouprave u Federaciji BiH.
